



Na osnovu člana 61. stav (2) Zakona o upravi („Službeni glasnik BiH“, broj 32/02, 102/09 i 72/17), člana 15. stav 2. tačka a). Zakona o Graničnoj policiji („Službeni glasnik BiH“, broj 50/04, 27/07 i 59/09), člana 13. stav (2) Zakona o ravnopravnosti spolova u Bosni i Hercegovini („Službeni glasnik BiH“, broj 32/10), člana 86a. Zakona o radu u institucijama Bosne i Hercegovine („Službeni glasnik BiH“, broj 26/04, 7/05, 48/05, 60/10 32/13 i 93/17) i zaključka broj 11. donijetog na izvanrednoj sjednici Vijeća ministara Bosne i Hercegovine održanoj 15.10. 2019. godine, direktor Granične policije Bosne i Hercegovine donosi:

**ODLUKU O POLITICI NULTE TOLERANCIJE
PREMA DJELIMA SEKSUALNOG UZNEMIRAVANJA I UZNEMIRAVANJA NA OSNOVU SPOLA**

Član 1.

Granična policija Bosne i Hercegovine je opredijeljena da osigura radnu sredinu bez seksualnog uznemiravanja i uznemiravanja na osnovu spola za sve zaposlene.

Član 2.

- (1) Niko nema pravo da seksualno uznemirava ili uznemirava na osnovu spola bilo koju osobu na radnom mjestu i u vezi sa radom.
- (2) Navedeno se posebno odnosi na:
 - a) Pravo na radnu sredinu bez seksualnog uznemiravanja i uznemiravanja na osnovu spola;
 - b) Obavezu reagovanja kada su druge osobe žrtve seksualnog uznemiravanja na osnovu spola;
 - c) Obavezu prijavljivanja seksualnog uznemiravanja i uznemiravanja na osnovu spola;
 - d) Pravo na povjerljivost podataka disciplinskog postupka.

Član 3.

- (1) Seksualno uznemiravanje ili uznemiravanje na osnovu spola su zabranjeni zakonima Bosne i Hercegovine.
- (2) Ovim propisima je utvrđeno da seksualno uznemiravanje i uznemiravanje na osnovu spola postoji kada se radi o ponašanju koje je:
 - a) Neželjeno;
 - b) Verbalno, neverbalno ili neprimjereno fizičko ponašanje;
 - c) Seksualne prirode ili na osnovu spola;
 - d) Zastrašujuće, neprijateljsko, degradirajuće, ponižavajuće ili uvredljivo ili ponašanje kojim se postiže takav učinak.


Član 4.

Granična policija Bosne i Hercegovine će preduzimati sve mjere utvrđene pozitivnim propisima kako bi se ispitale sve okolnosti vezane za seksualno uznemiravanje i uznemiravanje na osnovu spola na radu i radnim odnosima, te će osigurati da osoba koja prijavi djela iz člana 3. ove odluke neće trpjeti posljedice.

Član 5.

Svaka zaposlenica/zaposlenik ima pravo da podnese zahtjev/prijavu za pokretanje disciplinskog postupka u skladu sa važećim propisima, ukoliko smatra da je seksualno uznemiravan/a na osnovu spola.

Broj: 17-07-04-28-9936- 5 /19
Sarajevo, 24.09.2020. godine



DIREKTOR
Glavni generalni inspektor
Zoran Galić

